

第二五一冊

明倫彙編

宮闈典

東宮部
東宮妃嬪部

(卷)
卷之六

古今圖書集成

中華書局影印

欽定古今圖書集成明倫彙編宮闈典

第六十七卷目錄

東宮部彙考十一

明二太祖洪武四則 惠宗建文一則 成祖
統一則 永樂十一則 宣宗宣德三則 英宗正
統一則 代宗景泰一則 英宗天順二則

宮闈典第六十七卷

東宮部彙考十一

明二

太祖洪武 年定東宮朝儀

按明會典東宮朝儀洪武間定凡朔望日文武百官
朝退詣文華殿門外分東西侍立俟皇太子陞殿樂
作百官行一拜禮其謝恩見辭官員人等亦隨班行
禮禮畢以次出

洪武十四年令啓事東宮者皆稱臣

按明會典云云

洪武二十五年九月庚寅立嫡孫允炆爲皇太孫

按大政紀云云

按名山藏典謨記建文君者懿文皇太子次子而高
皇帝孫也懿文太子先高帝薨高帝崩君以太孫嗣
紀年建文君名允炆生而偏顛高帝弗喜成童聰穎
能詩使賦新月日庶其免乎初懿文太子仁柔亡武
君亦文弱好詩書不任法律太子薨高帝屬心燕王
以學士劉三吾言乃立君爲太孫使預政太孫時時

尚寬大中外有欣欣之心高帝末年其諸子存而壯
者成祖若周王橚皆與太子同出高皇后胡妃子楚
王橚達妃子齊王榑郭妃子蜀王椿代王桂谷王橚
胡妃子湘王柏郭妃子肅王模韓妃子遼王植余妃
子慶王櫟楊妃子寧王權周妃子岷王楨始高帝王
諸子多國邊陲以爲陞固令置三護衛其王中原者
亦皆大其疆土太孫既立諸王以兄子易之太孫以
爲憂嘗謂其傳黃子澄曰諸王皆尊屬擁重兵即陞
下千秋萬歲後易制之黃子澄曰諸王雖有三護衛
儼足自固明兵滿天下其孰能當太孫曰善高帝大
漸以齊泰爲兵部尚書受遺詔洪武三十一年閏五
月辛卯太孫卽皇帝位

按東朝紀詔曰曩古列聖相繼御宇者首立儲君朕
自甲辰卽王位戊申卽帝位於今二十九年前者操
將練兵平天下亂偃天下兵冀生民於田里用心多
矣及統一以來除奸暴去豪強亦用心多矣邇來着
顏皓首儲嗣爲重嫡孫允炆以九月十三日冊爲皇
太孫奉上下神祇以乂安民庶謫示臣民想宜知悉
洪武二十六年定東宮正旦冬至千秋百官朝賀及
冠服儀

按明會典東宮正旦冬至百官朝賀儀洪武二十六
年定凡正旦冬至日典璽官設東宮座於文華殿中
錦衣衛設儀仗於殿前東西教坊司陳大樂於文華
殿內東西北向府軍衛列甲士旗幟於門外錦衣衛
設將軍十二人於殿中門外及文華門外東西相向
立儀禮司官設箋案於殿東門外設文武官拜位於
文華殿門外設傳令宣箋等官位於殿內東西執事

官先行四拜禮訖各就位引禮引各官詣文華門外
北向立儀禮司官啓請陞座導引官奉迎東宮具冕
服出樂作陞座樂止贊禮唱班齊鞠躬樂作四拜興
平身樂止唱進箋給事中前導箋案由殿東門入置
殿中內贊唱宣箋目宣訖俯伏興平身唱宣箋外贊
唱跪展箋官詣案前取箋宣箋官宣訖內外皆贊俯
伏興平身卽舉案於殿東外贊唱樂官皆跪伏致詞
官中道跪致詞云具官臣某等茲遇正旦則云三陽
黃鍾日當長至敬惟皇太子殿下茂膺景福寶畢唱
衆官皆俯伏興平身傳令官跪啓傳令由東門左出
至丹陛東西向立稱有令贊衆官皆跪宣令

武二十六年定東宮千秋節百官朝賀禮儀與正旦
冬至同但致詞云茲遇皇太子殿下壽誕之辰臣某
等敬祝千歲壽不傳令 朝賀樂 樂器戲竹
二簫四笙四笛四頭管四簫二琵琶二十絃二方
響一鼓一拍板二杖鼓六 樂章陞殿還宮百官行
禮奏千秋歲歲年年舜日勝禹周慶雲生綵繞風樓風
調雨順五穀收萬民暢歌詠 又按皇太子冠服皇
太子陪祀天地宗廟及正旦冬至至朝會則服袞冕從
祭社稷及受冊納妃亦如之朔望朝降詔降香進表
四夷朝貢朝覲則服皮弁袞冕洪武二十六年定袞
冕九章冕九旒旒九玉金簪導紅組纓兩玉瑱圭長
九寸五分元衣纁裳衣五章緋山龍華蟲宗彝火裳
四章織藻粉米黼黻白紗中單黼領蔽膝隨裳色織
火山二章革帶金鈎纁玉佩綬五采用赤白元纁綠

織成純赤質三百三十首小綬三宅同大綬間織三王環大帶白表朱裏上緣以紅下緣以綠白鞞赤寫惠宗建文元年二月立子文燦爲皇太子

按大政紀云云

按明外史建文太子傳建文帝二子長太子文燦母馮氏洪武二十九年十月晦生太祖不樂日月皆數之終命內廷勿賀建文元年立爲皇太子燕師入年七歲矣莫知所終

成祖永樂二年立世子高熾爲皇太子因定東宮朝儀

按大政紀永樂元年春正月丙戌羣臣上表請立皇太子不允三月戊寅朔文武百官復上表請立皇太子勅姑緩之二年三月甲戌開立世子爲皇太子按名山藏典謨記仁宗皇帝諱高熾太宗嫡長子也以高帝十一年生鳳陽二十八年冊爲燕世子端重沉靜嗜學無厭時晉泰燕周四世子高帝皆教而試之異日者使分閱衛士帝還奏後問之對曰寒甚士方食高皇帝喜使閱章奏擇其有大體可施行者報命高帝益愛之燕王起靖難帝居守北平堅拒李景隆兵燕王既爲皇帝尚以世子守北平既二年召立爲皇太子成祖有三子長帝次漢王高煦次趙王高燾趙王幼以聰敏愛而漢王用靖難功幾得立爲太子謀奪嫡者數矣寺人儼寺人保數爲趙王短太子於成祖成祖遷都北京五出塞南京事悉付太子施行晚節多疾小人讒搆太子幾危者屢官僚若楊士奇輩者爲太子下獄贊善梁潛司訓周冕至死獄中然太子益恭慎亦賴士奇義夏原吉羽翼之有白

曰殿下知讒人乎曰吾不知知爲子太子監國遇水旱饑荒軍民失所戚焉賑恤之暇與宮僚鄒濟王汝玉徐善述等講說詩書修詞賦之業日記萬言辭翰並精車駕崩榆木川遺命至太子勸絕強拜受遂命皇太孫迎梓宮開平臣民三勸進以八月望日丁巳卽皇帝位

按明昭代典則永樂二年夏四月立世子高熾爲皇太子二十二年春正月阿魯台寇大同三月戊寅帝大閱北征夏四月詔皇太子監國車駕發京師六月車駕駐答蘭納木兒河諸將奏阿魯台久遁遂班師秋七月丁亥次翠微岡上御幄殿憑几而坐大學士楊榮金幼孜侍上顧內侍海壽問曰計程何日至北京對曰其八月中矣上領之既而論楊榮曰東宮涉歷年久政務已熟還京後軍國事悉付之朕惟優游暮年享安和之福矣榮對曰殿下孝友仁厚天下屬心允稱皇上付託上喜賜榮等羊酒而退戊子上次雙流溪以旋師遣禮部尚書呂震齋書諭皇太子并詔告天下己丑次蒼岷上不豫下令大營五軍將士嚴部伍謹哨瞭庚寅次榆木川上大漸召英國公張輔受遺命傳位皇太子且云喪服禮儀一遵太祖皇帝遺制辛卯上崩內臣馬雲孟驥等以大師在遠外祕不發喪密召大學士楊榮金幼孜入議喪事遂一遵古禮舍斂畢載以龍輦所至朝夕上食如常儀壬辰次雙筆峰大學士楊榮少監海壽奉遺命馳討皇太子即遣皇太孫出居庸赴開平迎駕時京師諸衛軍皆隨征聚行在惟趙府三護衛軍甯京師一時浮議籍籍慮護衛爲變遂祕未發喪皇太孫瀕行啓皇

太子曰出外有封章白事非印識無以防僞皇太子曰渠言良是但行急新製不及士奇曰殿下未踐阼有事自應行常用之寶其東宮小圖書可假之行此出一時之權歸卽納上皇太子卽取付太孫曰有啓事以此封識來此亦久當歸汝汝就留之皇太子曰大行臨御儲位久未定浮議喧騰吾今就以付之浮議何由興八月己酉次鵬鵠皇太孫至軍中始發喪六軍號痛聲徹天地辛亥入居庸關文武百官縋服哭迎王子及郊皇太子親王以下素服哭迎至宮中奉安仁智殿加斂納梓宮丁巳皇太子卽皇帝位改明年元曰洪熙大赦天下

按明會典永樂二年令文武官員常朝行叩頭禮三師三少詹事府官左右春坊司經局官翰林院官鴻臚寺官六科給事中錦衣衛官左右序立於文華殿門之外鴻臚寺序班通事舍人引文武百官於丹陛下丹墀內東西序立照依衙門資次啓事監察御史二員司直郎清紀郎日輪二員北向侍立糾儀啓事畢百官齊退遇有召問亦須前項官員一同進出如獨進并獨員留後者許監察御史鴻臚寺官司直郎清紀郎糾劾合啓事務在京衙門止用奏本在外衙門務要奏本一本啓本一本其詹事府主簿錄事同春坊司直郎清紀郎司諫分爲六科於司禮監共開揭帖開寫逐日啓過本內事件略節緣由及令旨所發落大略六科給事中亦具題帖各另奏進詹事府主簿錄事同左右春坊司直郎清紀郎司諫等官遇啓事各紀皇太子令旨如所啓事或差謫隨卽糾劾啓事畢同詹事府詳審事之可否可行者令該

司批所得令旨或事不可行及啓本內與說帖不同不問事之大小悉以奏聞 皇太子擇日恭謁太廟永樂二年續定先期三日齋戒遣官祭告天地宗廟用香帛酒脯行一獻禮前一日禮部同鴻臚寺官設詔案於奉天殿中設節冊寶案於詔案之南節冊寶案西各以次陳列設冊寶綵輿於丹陛之東尚寶司設寶案錦衣衛設鹵簿儀仗教坊司設中和韶樂如常儀至日鴻臚寺設皇太子拜位於丹陛正中設持節等官拜位於丹墀內引禮啓請皇太子具冕服於文樓下以俟上服袞冕御華蓋殿翰林院官捧詔尚寶司官用寶訖禮部官捧置於案執事官行五拜禮畢鴻臚寺官奏請陞殿導駕官前導樂作上御奉天殿樂止尚寶司官以寶置於案鳴鞭文武百官朝服行叩頭禮侍班引禮官六人導皇太子由東階陞至丹陛贊就位持節等官各就丹墀拜位贊鞠躬樂作四拜樂止傳制官跪奏傳制俯伏興由左門出西向立稱有制贊禮贊跪皇太子及持節等官皆跪宣制訖贊俯伏興平身引禮導皇太子由殿東門入至冊寶案前內贊贊跪贊宣冊捧冊官跪捧冊授宣冊官宣冊官立宣於皇太子之右宣訖贊揖主贊受冊捧冊官捧冊授皇太子受訖以授內侍內侍跪受立於西贊受寶一如受冊儀贊出主俯伏興平身贊復位引禮導皇太子由殿東門出就位內侍捧冊寶前導置綵輿中內贊贊鞠躬樂作四拜樂止執事者各昇冊寶以次前行引禮導皇太子由東階降持節等官隨之樂作至奉天門樂止用儀仗鼓樂迎冊寶至文華殿行禮畢持節官持節復命是日禮部官候節

冊寶啓行畢奉詔書至奉天門開讀頒示天下皇太子受冊寶畢具冕服儀仗引禮導引詣太廟行謁告禮如常儀禮畢釋服引禮導引至左順門具冕服謝恩上具皮弁服御奉天殿引禮導皇太子至上前謝恩樂作行八拜禮畢樂止導還至右順門內官導詣內殿前皇后服燕居冠服陞內殿皇太子於內殿丹陛行八拜禮畢親王見東宮先是內官設皇太子座於文華殿鴻臚寺設親王世子郡王拜位於殿陞上教坊司設樂錦衣衛設儀仗候親王世子郡王賀中宮禮畢引禮導親王世子郡王具冕服其未冕者便服序列于文華殿門外以俟導引官導皇太子冕服陞座引禮導親王世子郡王由東階陞樂作就殿陞上拜位樂止贊鞠躬四拜親王世子郡王皆鞠躬四拜興平身贊跪親王世子郡王皆跪鴻臚寺官一人詣殿門外正中跪致詞曰某王某等茲遇皇太子殿下榮膺冊命禮當慶賀致詞畢贊俯伏興四拜樂作親王世子郡王皆俯伏興四拜平身皇太子駕興親王世子郡王以次出是日皇太子詣武英殿見諸叔行家人禮四拜諸叔西向坐受見諸兄行家人禮二拜諸兄西向立受次日文武百官進表箋慶賀如常儀

永樂三年定皇太子冠服之制

按明會典皇太子冠服永樂三年定冕冠元表朱裏前圓後方前後各九旒每旒各五采纁九就貫五采玉九亦曰青黃黑相次玉衡金簪元統垂青纁充耳用青玉承以白玉瑱朱紱纁玉圭長九寸五分以錦約其下并緞袞服九章元衣五章龍在肩山在背火

華蟲宗彝在袖各三皆織成本色領襟襖裾纁裳四章織藻粉米黼黻各二前三幅後四幅不相屬共腰有襷積本色綈楊中單以素紗爲之青領襟襖裾領織黻文十一蔽膝隨裳色四章織藻粉米黼黻本色緣有紉施於縫中其上玉鈎二玉佩二各用玉珩一珩一琕一衝牙一璜二璜下有玉花下垂二玉滴珠雲龍文描金自珩而下繫組五貫以玉珠上有金鈎小綬四采以副之四采赤白標絲纁質大帶素表朱裏在腰及垂皆有綈上綈以朱下綈以綠紐約用青組大綬四采赤白標絲纁質小綬三采間施二玉環龍文皆織成襪舄皆赤色舄用黑鈎純黑飾舄首皮弁服永樂三年定皮弁用烏紗冒之前後各九縫每縫中綴五采玉九縫及冠武並貫簪繫纁處皆飾以金金簪朱纁玉圭如冕服內制絳紗袍本色領襟襖裙紅裳如冕服內裳制但不織章數中單以素紗爲之如深衣制紅領襟襖裙纁織黻文十一蔽膝隨裳色本色緣有紉施於縫中其上玉鈎二玉佩如冕服內制但無雲龍文有小綬四采以副之大帶大綬襪舄赤色皆如冕服內制 常服永樂三年定冠烏紗折角向上中袍赤色盤領窄袖前後及兩肩各金織蟠龍一帶用玉靴皮爲之

永樂五年皇太孫出閣就學羣臣稱賀

按大政紀永樂五年四月辛卯皇太孫出閣就學羣臣稱賀召太子少師姚廣孝等以盡心開導諭之論曰人於學問當以先入之言爲主朕長孫天資明睿爾等宜盡心開導凡經書所載孝弟仁義與夫帝王大訓可以經綸天下者日與講說浸漬之久涵養之

深則德性純而器識廣他日所資甚大不必如儒生
繹章句工文詞爲能也

永樂六年勅文武大臣輔導皇長孫

按大政紀永樂六年十一月甲寅命丘福義金忠
胡廣黃淮楊榮楊士奇金幼孜及洗馬姚友直等輔
導皇長孫仍賜勅諭曰朕嫡長孫天章日表玉質龍
資孝友英明寬仁大度年未一紀體具志寧動必中
規言必合道好學之篤夙夜孜孜日誦萬言必領要
意朕嘗試之以事輒能裁決得中斯實宗社之靈上
天賜慶篤生異質以福祐天下而基命於無窮然宏
材之建必由匠氏之功圭瓚之成必假琢磨之力卿
等皆茂簡德意職輔導東宮東宮之子必資兼顧宜協
心同志輔導於成推廣仁義道德之源開三王之典
與我太祖高皇帝之大經大法凡創業守成之難生
民稼穡之事朝夕講論以涵養本源恢弘智量充其
盛大之器以爲宗社生民之福國家有無窮之休卿
等亦有無窮之聞欽哉

永樂七年定東宮監國之儀

按明會典永樂七年駕幸北京定東宮監國之儀

一朝儀凡常朝於午門左視事其左右侍衛及在京
各衙門官員人等合啓事務如常儀若皇太子御文
華殿官員人等承旨召入者方許入凡在京文武衙
門遇有內外軍機及王府切要事務悉奏請處分其
有各處啓報聲息即調邊軍勦捕仍遣人馳赴行在
所奏聞皇城四門各城門守衛圍宿比常時皆須增
撥官軍仍每日操閱軍馬如各衙門稱奉令旨調遣
官軍及處分事務所司須覆啓施行

一慶賀凡遇萬壽聖節正旦冬至先期皇太子率文
武百官於文華殿前拜進表文是日早設龍亭於文
華殿中丹陛上設駕大樂鳴鐘鼓皇太子具冕服於
丹陛上百官具朝服於丹墀內行十二拜如常儀禮
畢儀仗鼓樂導表由中門出皇太子由左門送至午
門還宮文武百官導至長安右門外文官五品以上
武官四品以上及近侍官監察御史俱乘馬導至三
山門外以表授進表百官各回至期行告天祝壽
禮是日早設香案於文華殿丹陛上設駕大樂鳴鐘
鼓如常儀皇太子具冕服於丹陛上文武百官具朝
服於丹墀內行八拜如常儀其在京文武衙門遇萬
壽聖節禮部同文職衙門共進表一通中軍都督府
同公侯駙馬伯武職衙門共進表一通正旦冬至亦
如之其正旦冬至千秋節文武百官於文華殿行慶
賀禮如常儀其有王府遣人詣東宮前行禮即納其
禮物宴賞差來人其應答禮者奏聞處分

一祭祀凡遇享太廟祭祀稷風雲雷雨山川之神預
期勅皇太子攝祭其祀典神祇太常寺預期於行在
所奏聞遣官行禮

一宴賞凡四夷來朝循例宴之皇太子命禮部遣人
送行在所正使人給鈔十錠從人五錠爲道里費其
每日賞賜有例者循例無例者臨時斟酌酌賞之其京
衛軍士冬夏布帛及邊衛軍士冬衣綿布循例給賞
其有折賞物色該部定擬具啓施行

一選法凡文選六部都察院翰林院太醫院欽天監
堂上官尚寶司通政司大理寺太常寺光祿寺鴻臚
寺國子監堂上掌印官六科都給事中并在外布政

使王府長史有缺吏部奏請擢用其考滿黜陟并復
職改用等項常選官員俱循例具啓銓注其武選除
在京五府都督在外各都司都指揮缺員者及土官
衙門奏保土人任職者兵部奏請擢用其餘襲替優
給及例應陞降改調官員具啓銓注其土官例應襲
替及保用通事把事隨司辦事長官該部具啓裁度
餘悉奏請處分其內外大小文武官員俱從行在吏
部兵部奏請銓選其有開設大小衙門該部奏請定
奪

一刑名凡內外文武大小官員有犯所司具啓准問
者問之若皇親犯小事令其在家聽候具由奏請待
報若所犯重情及干謀逆者即時拘執在官先命皇
親會問若事有未當及犯人不認乃命公侯伯五府
六部都察院大理寺會皇親再問畢將所服情犯及
擬議罪名具啓候車駕回京奏請處分其在外王府
護衛指揮并長史及土官有犯事干惡逆先行收問
然後奏聞其餘所犯預奏待報提問其法司問擬罪
合決死罪者奏請待報其餘所犯悉具啓決放如特
奉令旨原免者不拘此例

一迎詔凡詔書至禮部設龍亭錦衣衛設儀仗教坊
司設大樂文武百官各具朝服出三山門外奉迎使
者到三山門外下馬候龍亭來捧置詔書於龍亭中
使者立於龍亭之東百官行五拜三叩頭禮訖衆官
乘馬前導使者上馬在龍亭後東邊行至長安右門
下馬隨龍亭後東由中門入文武百官於承天門外
橋南侍立東宮殿下具冕服於午門前五丈餘地奉
迎至文華殿置龍亭於正中使者立於東東宮殿下

於殿前臺上樂作行五拜三叩頭禮畢樂止陞殿殿下展詔讀訖使者捧詔置龍亭中殿下送至午門內錦衣衛先設雲輿於午門外正中禮部官置詔書於雲輿中文武二品以上官迎至承天門鴻臚寺先設開讀案於承天門稍東文武百官入班贊禮唱排班班齊鞠躬樂作四拜平身樂止贊開讀使者取詔授開讀官跪受使者復立位所贊跪樂官皆跪開讀訖開讀官捧詔授使者復置雲輿中贊俯伏樂作四拜平身樂止贊指笏鞠躬三舞蹈贊跪唱山呼萬歲者三贊出笏俯伏樂作四拜興平身樂止贊禮畢百官以次退使者捧詔書出承天門外復置龍亭中鼓樂送至會同館使者見東宮殿下下行四拜禮畢其日宴使臣於禮部本部官待宴

永樂八年定皇太孫監國之儀

按明會典永樂八年時駕北征皇太子監國於南皇長孫監國於北後皇長孫行冠禮始尊稱皇太孫云一每日皇長孫於奉天門左視事侍衛如常儀諸司有事具啓施行若軍機及王府要務一啓皇太子處分一奏聞行在所

一遇萬壽聖節設香案於奉天殿丹陛上皇長孫具色服於丹陛上行禮文武官員朝服於北京行部行禮如常儀天下諸司表文俱詣北京進賀四夷朝貢俱送南京禮部啓皇太子施行

一文選行在六部都察院等衙門及北京行部所屬衙門如有缺員應除補者五品以上行在吏部移咨南京吏部啓皇太子選補六品以下及考滿起復例應陞降復職及對品改用常選官撥用吏典俱循例

啓皇長孫施行

一武選行在五軍都督府及行在後軍都督府所屬衙門例應襲替優給降陞者行在兵部亦循例啓皇長孫施行其餘非常選者啓皇太子斟酌行之

一內外官吏軍民有犯所司啓皇長孫施行若皇親有犯小事令其在家聽候所司啓皇太子待報施行若所犯情重及干謀逆者即時拘執先命皇親會問若事未當及犯人不乃命公侯伯五府六部都察院大理寺會皇親再問將所伏情犯啓皇太子候車駕回京奏請處分其王府護衛指揮及長史有犯干惡逆者先行收問然後啓皇太子其餘有犯啓皇太子待報收問其行在刑部都察院北京行部議擬囚人應死者監候啓皇太子待報施行餘悉啓皇長孫裁決

永樂九年立皇長孫瞻基爲皇太孫

按大政紀永樂九年十一月上御奉天殿立皇長孫瞻基爲皇太孫冠於華蓋殿

永樂十年選民間子弟勇健有才藝者充皇太孫侍從

按大政紀永樂十年六月甲辰諭兵部尚書金忠等選民間子弟年十七至二十勇健有才藝者充皇太孫侍從上曰皇太孫年長有志略朕令其學問之暇兼講武事其遣人往直隸應天及江北鳳陽滁和等府州北京山東山西陝西河南四川湖廣境內選民間子弟年十七至二十勇健有才藝者官給路費廩食送京師

永樂十二年重定東宮監國之儀

按明會典永樂十二年時駕北征重定東宮監國之儀

凡常朝於文華殿視事其在京文武衙門凡有應合奏啓事件奏本俱達北京敢有隱匿者治以重罪其在京衙門合具啓事務仍依常例若係應奏隨即具奏待報其東宮發落事件六科按月差人類送北京敢有於題本上增減改寫旨意者凌遲處死全家籍沒其各衙門差人出外幹辦公事仍將所辦事務開具奏報

凡祀典神祇合應遣官祭者太常寺預期具奏遣官行禮

凡皇親并軍職王府護衛指揮長史等官與各處土官有犯者俱奏請提問在京文武衙門官員有犯者堂上官具奏待報發落五品以下者具啓拏問在外文職衙門官員有犯者方面及四品以上該衙門奏請提問五品以上具啓拏問

永樂十三年以調孝陵命定皇太孫及小皇孫陪謁位次復增監國之儀

按大政紀永樂十三年十一月壬子周王橚楚王楨遇節謁孝陵命東宮皇太孫及小皇孫陪謁上召楊榮楊士奇金幼孜皆至問曰二王東宮皇太孫及小皇孫謁陵展敬之位如何朕意雖略定爾三人試言之楊金未有對上顧問士奇對曰周楚二王尊屬當列稍前兩傍東宮殿下列稍後居中皇太孫殿下亦當中列於東宮殿下之後諸皇孫與皇太孫同班分列兩傍上曰爾所言有據乎對曰宋儒朱熹家禮大約如此上曰吾未嘗熟家禮但據已見書其位次遂

出片楮宸翰所書位次正與士奇言合遂遣鴻臚寺丞周昇齋欽定位次俾行之

按明會典永樂十三年重奏監國之儀凡京衛軍士冬衣布絹及邊衛軍士冬衣布花襖俱行在戶部奏請施行

凡進春其日早文武百官各穿顏色衣服於文華殿門外侍班如常儀應天府置春案於文華門丹墀中道之東候東宮殿下陞座引禮引府縣官舉春案由東陞陞置於殿門外中道各就拜位贊鞠躬四拜平身禮畢文武百官慶賀行叩頭禮

永樂二十二年八月仁宗即位十月立子瞻基爲皇太子改定冊立儀

按大政紀永樂二十二年八月仁宗即位十月立嫡長子瞻基爲皇太子詔天下

按名山藏典謨記宣宗章皇帝諱瞻基仁宗嫡長子也生之夕成祖夢高祖授以大主命曰傳之子孫永世其昌既數歲試之事輒割決稱旨成祖愛之年十一以從狩北京日侍左右隨事訓教嘗命從過觀田家問所疾苦作務本訓授上上讀書一目數行盡表皆舉經史百家莫不涉意永樂九年立爲皇太孫三從征北於馬上指示山川故上自少曉兵略善騎射仁宗即位開爲皇太子洪熙元年春南京地震命往撫治仁宗旋不豫既大行宮中祔不發喪以遺命召上顧臣下稍稍聞仁宗崩時漢庶人蓄反謀傳言將要劫羣臣或請整兵旋或請出問道上曰君父在上天下歸心豈有他慮遂傳詣京師六月己亥至蘆溝乃聞喪慟絕左右掖聽遺詔行哭入宮門詣梓宮拜

哭盡哀頌遺詔癸卯臣民三勸進庚戌即皇帝位按明會典二十二年十月冊立樂設而不作明日奉天殿行禮畢仍詣几筵謁告如常儀時文皇帝梓宮在殯

宣宗宣德二年續定皇太子冊立儀及親王羣臣上箋之式

按明會典宣德二年續定前期祭告天地宗廟社稷鴻臚寺錦衣衛陳設如常儀上服皮弁服御華蓋殿執事官行五拜叩頭禮畢鴻臚寺官請陞殿導駕官前導上陞座尚寶司以寶置於案鳴鞭文武百官具朝服行叩頭禮左右侍班引禮引正副使入就拜位贊四拜傳制官跪奏傳制俯伏執事官舉節冊寶案由殿左門出置御道中傳制官由左門出稱有制贊正副使跪宣制曰某年某月某日冊立長子某爲皇太子命卿等持節行禮贊俯伏興又四拜禮畢執事官舉節冊寶置絲輿中黃蓋送至左順門外正副使朝北立內官捧節冊寶由正門入至文華殿內侍引皇太子出迎至文華殿內官以節冊寶置於案內贊贊四拜贊宣冊贊詣冊案前贊跪宣冊內官立宣訖贊受冊捧冊官以冊授皇太子受訖以冊授內侍內侍跪受立於西贊贊寶捧寶內官捧寶如授冊之儀贊俯伏興平身復位贊四拜禮畢內官持節由正門出至左順門外以節授正副使報禮畢正副使得報持節復命其頒詔如常儀皇太子受冊寶畢內使引詣奉先殿謁告如常儀畢內使引皇太子詣皇太后前行八拜禮次詣上前皇后前行八拜禮次詣皇妃前行四拜禮畢還宮次日文武百官具朝服上

表賀陳設如常儀上具袞冕御華蓋殿親王先行八拜禮賀次執事官行五拜三叩頭禮畢鴻臚寺奏請陞殿導駕官前導進表行禮如正旦儀親王於上前行賀禮畢次詣內殿皇太后前行八拜禮畢詣皇后前行八拜禮畢又詣皇妃前行四拜禮畢皇太后皇后各於內殿皇妃於宮中受內外命婦賀禮外命婦進箋陳設俱如常儀文武百官進箋賀皇太子陳設亦如常儀東宮千秋節正旦冬至親王上箋伏以天眷皇家茂隆大本前星協應四海歸心敬惟皇太子殿下天賜英姿日新聖學懋德祇承於謨烈重明翊贊於治平是以宗社奠安臣民咸戴也臣某奉守藩邦忻逢誕辰長至仰春宮而稱頌祝壽筭於千秋無任瞻仰激切屏營之至謹奉箋稱賀以聞東宮千秋節正旦冬至羣臣上箋伏以皇天眷佑景運弘開大本益隆臣民忻戴敬惟皇太子殿下寬仁毓德敬謹存心嗣承萬世之洪圖寅奉重熙之寶曆是以貞符協應萬邦永寧也臣某等職守藩維忻逢令旦長至仰望前星敬祝千秋之壽無任瞻仰激切屏營之至謹奉箋稱賀以聞以上書寫署名印封皆與表同但易箋文并紅帖紅綾袱匣宣德三年二月癸丑朔詔冊立皇太子大赦天下按大政紀云云按名山藏典謨記英宗睿皇帝諱祁鎮宣宗皇帝嫡長子以宣德二年生生之日下五色雲見光灼殿陛既二年立爲皇太子能言宣宗抱置膝上問他日爲天子能令天下太平乎日能問有千國之紀者能親總六師討之乎日敢宣宗大喜解所御龍袍寶帶

加上體置寶座左右皆呼萬歲上天姿秀傑龍顧魁
碩願盼有威立其側者皆若傍睨之宣宗崩以正月
壬午即皇帝位九歲矣頒詔大赦天下

宣德九年定皇太子千秋節及冬至於文華殿行賀
禮

按明會典宣德九年令皇太子千秋節冬至親王及
天下五品以上衙門遣官進箋者同在京文武百官
詣文華殿行賀禮

英宗正統十四年皇太后立皇子見深為皇太子

按大政紀正統十四年秋八月辛酉我師敗績於土
木車駕北狩辛巳皇太后詔立皇長子見深為皇太
子時年二歲仍命鄭王為輔代總國政撫安天下

代宗景泰三年廢上皇長子見深為沂王立子見濟
為皇太子

按大政紀景泰三年四月廣西都指揮使黃竑上疏
請易太子下禮部會多官議時上欲易太子恐文武
大臣不從與太監王誠舒良謀先陷內閣諸學士各
賜金五十兩銀一百兩命廷臣俱兼官僚王直胡濙
兼太子太師陳循高穀于謙兼太子太傅儀銘俞士
悅楊善王文王翔何文淵並加太子太保江淵蕭鎡
王一寧並加太子少師商輅進兵部左侍郎兼左春
坊大學士禮部尚書胡濙等會大學士陳循高穀等
及六部都察院尚書王直等並六科十三道議太子
為可易如黃竑所請上之時多官集議都御史王文
首言當立大學士陳循等遂承上意附之及署名王
直有難色循持筆半跪奉直直因署之惟給事中李
侃對衆灑泣都給事中林聰御史朱英亦知不可然

皆不能出一語爭之後侃陞詹事府丞總陞春坊司
直皆不能辭信乎臨大節不可奪者為難得云五月
甲戌廢上皇長子皇太子見深為沂王出就沂邸立
子見濟為皇太子生母杭氏為皇后廢皇后汪氏居
別宮大赦天下

按明外史懷獻太子傳景皇帝一子懷獻太子見濟
母杭妃始為鄭王世子英宗北狩皇太后命立憲宗
為皇太子而以鄭王監國及鄭王即位改元景泰心
欲以見濟代太子而難於發言皇后汪氏又力以為
不可遲回久之太監王誠舒良為帝謀先賜諸大臣
大學士陳循高穀百金侍郎江淵王一寧蕭鎡學士
商輅半之用以絀其口然亦未發也思明土目黃竑
者初以功授丘溫衛指揮歷遷廣西都指揮使守備
漳州思明土知府珣其庶兄也珣老子鈞襲官非茲
意陰令其子率悍卒結寨府城外三十里夜馳破府
城滅珣家支解珣父子納囊中瘞之後園即引衆還
寨明日報至佯不知驚哭仆地走思明發喪尋珣父
子屍不得又慟哭仆地遣人告竑急捕賊復大仇方
竑子殺珣時珣僕福童見竑子並識其左右人脫走
憲司訴竑父子殺珣父子狀副總兵武毅疏聞於朝
竑親景帝有易儲意遣千戶袁洪走京師上疏請廢
太子代以見濟疏辭曰太祖百戰艱難取天下期傳
之萬世往年上皇輕身禦寇文武將吏十喪八九駕
陷北庭寇至都門幾喪社稷不有皇上臣民何歸今
且踰二年皇儲未建臣惟人心易搖多言難定爭奪
一萌禍亂不息皇上即循遜讓之美復全天敘之倫
恐事機叵測反覆靡常語曰天與不取反受其咎近

日仰觀天象土星逆行入太微垣與諸星變皆可畏
愕願早雷意萬一羽翼長養勢權轉移委愛子於他
人寄空名於大寶階除之下變為寇讎肘腋之間自
相殘虐此時悔之晚矣乞與親信文武大臣密定大
計以一中外之心絕覬覦之望疏入景帝大喜曰萬
里外有此忠臣陛下廷臣會議且令釋茲罪超擢都
督時景泰三年四月也疏入之明日禮部尚書胡濙
侍郎薩琦鄭幹集文武羣臣廷議衆相顧莫敢發言
惟都給事中李侃林聰御史朱英以為不可吏部尚
書王直亦有難色司禮太監與安厲聲曰此事不可
已即以爲不可者勿署名無得首鼠持兩端羣臣皆
唯唯署議於是洪等暨魏國公徐承宗寧陽侯陳懋
安遠侯柳溥武清侯石亨成安侯郭晟定西侯蔣琬
駙馬都尉薛桓襄城伯李瑾武進伯朱瑛平鄉伯陳
輔安鄉伯張寧都督孫鏜張軫楊俊都督同知田禮
范廣過典衛領都督僉事張軫劉深張通郭瑛劉盤
張義錦衣衛指揮同知畢旺曹敬指揮僉事林福吏
部尚書王直戶部尚書文淵閣大學士陳循工部尚
書東閣大學士高穀吏部尚書何文淵戶部尚書金
濂兵部尚書于謙刑部尚書俞士悅左都御史王文
王翔楊善吏部左侍郎兼學士江淵右侍郎兼山頂
文曜戶部左侍郎劉中敷右侍郎沈翌右侍郎兼學
士蕭鎡禮部右侍郎兼學士王一寧兵部右侍郎李
賢刑部左侍郎周瑄工部左侍郎趙榮右侍郎張敏
通政使李錫通政樂憚王復參議馮貫卿蕭維禎許
彬蔣守約齊整李賓少卿張固習嘉言李宗周蔚能
陳誠黃仕儔張翔齊政寺丞李茂李希安柴望鄭鏞

楊詢王溢翰林院學士商輅六科都給事中李讀李佩李春蘇蘇林聰張文質十三道御史王震朱英涂謙丁泰亨強弘劉琚陸厚原傑嚴樞沈義楊宜王驥左鼎上言父有天下必傳於子陛下膺天明命與邦家統緒之傳宜歸聖子黃竑奏是制曰可禮部具儀擇日以聞即日簡置東官官悉亨漢直兼太子太師傅循穀謙太子太傅觀文淵謙士悅南京禮部尚書儀銘工部尚書兼大理寺卿石瑛都御史翔陳銓太子太保淵一寧銓太子少師山太子少傅兵部左侍郎俞綱太子少保輅擢兵部左侍郎兼左春坊大學士中敷太子賓客嘉言詹事文耀禮部侍郎薩琦少詹事禮部侍郎鄒幹左庶子侍讀彭時侍講劉儼左右春坊大學士周旋左庶子趙恢右庶子修撰林文侍講徐理左右諭德修撰李紹侍講劉定之司經局洗馬侍講楊鼎倪謙呂原修撰柯潛左右中允給事中侃御史魏齡詹事府府丞編修周洪謨劉俊檢討錢博編修岳正左右贊善編修萬安李泰都給事中林聰典籍鄒循左右司直郎侍書陳穀徐佖監丞鮑相縣丞高誠左右清紀郎檢討會選傳宗五經博士陸藝典籍李鑑左右司諫編修王俱教諭李瓊校書侍詔趙政府主簿中書舍人劉鉞趙昂正字教諭劉潔錄事序班楊欽王政周寧傳宗通事舍人凡東宮公孤皆支二俸五月廢汪后立見濟母杭妃爲皇后更封太子爲沂王立見濟爲太子詔曰天佑下民作之君實遺安於四海父有天下傳之子斯本固於萬年大赦天下令百官朔望朝太子賞諸親王公主邊鎮文武內外羣臣又加賞陳循高穀江淵王一寧

蕭鑑商輅各黃金五十兩六月以后兄杭聚爲錦衣正千戶四年二月乙未太子冠命胡濙持節掌冠高穀贊冠蕭鑑宣戒勅甲辰冠沂王及其弟榮王命陳循于謙持節掌冠何文淵儀銘贊冠商輅宣戒勅十一月以御史張鵬言簡東官師傳講讀官帝命胡濙王直陳循高穀王文儀銘江淵蕭鑑俞山俞綱商輅日更番侍班彭時日專講書李侃李齡錢溥劉吉日專讀書王謙趙昂更日侍書越四日太子薨諡曰懷獻葬西山天順元年降稱懷獻世子諸建議易儲者皆得罪黃竑已前死捕其子誅之英宗天順元年正月復辟三月己巳復立元子見深爲皇太子按名山藏典謨記憲宗純皇帝諱見深英宗皇帝長子也母周太后生時紅光滿室其歲天下大稔英宗北狩邸王監國慈壽皇太后立爲皇太子方三歲邸王即位立其子見濟降封沂王英宗復辟更名上復立爲皇太子上廣額豐頤方面大耳目睛如漆光彩射人左右莫敢仰視出閣講學敏於讀書便習騎射侍膳問安孝敬備至英宗大漸召屬後事既崩羣臣三勸進以正月乙亥卽皇帝位天順二年定東宮出閣講學儀按明會典東宮出閣講學儀太祖命學士朱濂授皇太子諸王經書於大本堂後於文華後殿及肅皇改爲便殿遂移於殿之東廂房初出閣儀天順二年定是日早侍衛侍儀如常儀執事等官於文華後殿行四拜禮畢鴻臚寺官請皇太子陞文華殿執事官導引至殿陞座師保等官於丹陛上行四拜禮畢各官

退出內侍官導皇太子至後殿陞座以書案進每日侍班侍讀講官入分班東西立內侍展書侍讀講官以次進讀叩頭而退每日講讀儀一每日早朝退後皇太子出閣陞座內侍以書案進不用侍衛侍儀執事等官惟侍班侍讀講官入行叩頭禮畢分班東西向立內侍展書先讀四書則東班侍讀官向前伴讀十數遍退復原班次讀經書或讀史書則西班侍讀官向前伴讀亦如之務要字音正當句讀分明讀畢各官退一每日巳時侍班侍讀侍講及侍書官俟皇太子陞座畢入東西向立侍班內侍展書先講早所讀四書則東班侍講官進講一遍退復原班次講早所讀經史書則西班侍講官進講亦然務要直言解說明白易曉講畢內侍收書訖侍書官向前侍習寫字務要開說筆法點畫端楷寫畢各官叩頭而退一午膳後是時已回宮從容遊息或習騎射一每日日晚讀本日所授書各數遍至熟而止一凡讀書三日後一溫須背誦成熱遇溫書日免授新書講官通講須曉大義一凡寫字春夏秋月每日寫一百字冬月每日寫五十字一凡遇朔望節假及大風雨雪陰寒盛暑暫停講讀寫字

欽定古今圖書集成明倫彙編宮闈典

第六十八卷目錄

東宮部彙考十二

明三憲宗成化二則 孝宗弘治一則 世宗一則 肅宗崇禎一則 神宗萬曆

皇清 康熙一則

宮闈典第六十八卷

東宮部彙考十二

明三

憲宗成化七年立皇子祐極爲皇太子

按大政紀成化七年十一月立皇子祐極爲皇太子

祐極萬貴妃所生

按明外史悼恭太子傳憲宗十三子第二子孝宗悼

恭太子祐極憲宗長子母柏賢妃成化七年立爲皇

太子是年冬彗星見東方未幾太子薨

成化十一年冊立皇子祐極爲皇太子

按大政紀成化十一年五月上命皇太子至文華門名

文武大臣進見數日上御文華殿召商輅萬安劉翊

劉吉至座前問曰皇子既出將何如處之輅等對曰

皇上即位十年儲副未定天下人心屬望久矣當立

爲太子皇上曰即舉行乎對曰今天氣尚炎俟秋涼舉

行上曰然輅復曰皇子饑飽寒暖之節須勞聖慮上

頷之曰已命太監懷恩單昌侍矣輅等退賜酒飯於

文華門外命太監懷恩單昌侍之九月文武羣臣上

表請立皇太子禮部上冊立皇太子儀注十一月癸

丑冊立皇太子詔告天下

按名山藏典謨記孝宗敬皇帝諱祐極憲宗子也母

曰紀淑妃憲宗王皇后無子萬貴妃寵而妬他妃不

得子淑妃一幸上爲萬貴妃所譖逐既有身及生上

周皇太后王皇后私育之而不敢以聞及六歲憲宗

方知有上即冊立爲皇太子憲宗崩以其年九月壬

寅即位

按明會典凡冊立東宮成化十一年賜親王一等銀

二百兩紵絲八匹紗八匹羅八匹錦四段生熟絹十

六匹高麗布十匹白氎絲布十匹西洋布十匹二等

銀一百兩紵絲六匹紗六匹羅六匹錦四段生熟絹

十二匹高麗布六匹白氎絲布六匹西洋布六匹

孝宗弘治五年三月冊立皇長子厚熜爲皇太子大

赦天下

按大政紀云云

按名山藏典謨記武宗毅皇帝諱厚熜孝宗嫡長子

也生二歲立爲太子稍長英敏好騎射孝宗大漸名

大學士劉健李東陽謝遷楊前執健手以託孝宗崩

上以五月壬寅即皇帝位大赦詔天下

弘治十一年更定東宮講學儀

按明會典弘治十一年定是日早內侍設書案於文

華殿內東禮部鴻臚寺執事官於後殿行四拜禮畢

鴻臚寺官請皇太子陞文華殿導引至殿陞座三師

三少并宮僚以次序於丹陛上行四拜禮畢從殿左

右門入分班東西立通事舍人以書案進內侍展書

侍讀官進讀讀畢侍講官進講講畢通事舍人徹案

各官叩頭退每日講讀常儀與天順年同

世宗嘉靖十二年贈皇子載壘爲哀冲太子

按名山藏繼體記哀冲太子載壘肅皇帝長子也母

曰閣麗嬪上即位十二年始得之既越月當名論禮

部尚書夏言曰皇子命名有勅諭故事也夫尚不省

賜之勅虛文矣朕欲待其知事乃教識之又禮曰父

命名朕欲先告祖考焉夏言臣讀內則篇姆先相

曰母某敢用時日祇見孺子夫對曰欽有帥父執子

右手咳而名之妻對曰記有成此夫婦對語非命子

詞陛下曰不降勅甚善請擬定告廟命名制以備一

代典禮上如言議越月皇子薨勅曰朕荷天眷予丈

夫子雖即云亡然嘗告之皇天皇祖詔示中外將冊

命之矣重傷聖母之心深切朕懷之悼其諡之曰哀

冲太子

世宗嘉靖十八年冊立太子載壘爲皇太子重定冊

立及賜齋監國之儀

按大政紀嘉靖十八年二月辛丑帝以南巡在邇乃

冊立太子載壘爲皇太子

按明外史莊敬太子傳莊敬太子載壘世宗第二子

母王貴妃嘉靖十八年帝將南巡立爲皇太子年甫

四歲令監國以大學士夏言爲傳尚書霍韜郎中鄒

守益獻東宮聖學圖疑爲誘誅獲罪帝既得方士

投朝用思習修攝術禮部具皇太子監國儀太僕

卿楊最爭之逮繫死監國之議亦罷贊善羅洪先

趙時春唐順之請太子出閣講學文華殿見羣臣皆

削籍太廟成命太子攝祀二十八年行冠禮是日風

壞泰折坊越二日薨泰與太同未婚而死曰折始其

應云帝命與哀冲太子並建寢園歲時祭祀從諸陵後

按明會典嘉靖十八年續定前期三日齋戒至日上躬詣南郊以冊立皇太子奏告皇天上帝駕回恭詣太廟告聞皇祖命大臣祭告北郊列聖宗廟太社稷帝社稷朝日夕月天神地祇行事俱用祭服太常寺辦祭品通用酒果脯醢三獻上帝皇祇加一牛翰林院撰告文園丘祭告文武陪祀官各具祭服陪拜百官各具古服并耆老生儒俱於昭亨門外陪拜其分遣祭告北郊等官俱詣園丘陪拜畢方各詣祭所宗廟祭告文官五品以上武官四品以上上皇親指揮等官六科都給事中俱照例具服陪拜郊廟祭告畢上具常服以冊立告聞於母后前期鴻臚寺設節冊寶案於奉天殿中節中冊東寶西設冊寶綵輿於丹陛之東敕坊司設中和韶樂及太樂如常儀內使設節案於文華殿正中設冊寶案於節案前設香案於冊寶案前設皇太子拜位於香案前至日錦衣衛設大駕鹵簿百官各具朝服入丹墀內侍立上具冕服御華蓋殿鴻臚寺官引執事官進至華蓋殿就次行五拜三叩頭禮贊各供事鴻臚寺官奏請陞殿樂作導駕官前導上陞座樂止鳴鞭報時雞唱定時鼓訖唱排班文武百官及生儒耆老人等入班鴻臚寺官贊四拜樂作與樂止左右侍班引禮引正副使入就拜位贊四拜傳制官跪奏傳制俯伏與執事官舉節冊寶案由殿左門出置御道中傳制官由左門出稱有制贊跪正副使跪傳制官宣制曰嘉靖十八年二月初一日冊立元子某為皇太子命卿等持節行禮贊

俯伏與又四拜禮畢執事官舉節冊寶置於綵輿中黃蓋遮送敕坊司鼓樂前導至文華殿正副使由中門入至丹陛下停止保母奉皇太子迎於文華殿門內正副使各捧節冊寶置於案節中冊東寶西內贊導保母奉皇太子就拜位贊四拜保母奉皇太子拜與贊宣冊贊跪保母奉皇太子跪鴻臚寺宣冊官取冊立宣於皇太子之左宣訖贊受冊捧冊官以冊授皇太子內侍官跪代受以寶授寶贊寶官置於寶案贊俯伏與保母奉皇太子與贊四拜保母奉皇太子拜與禮畢正副使捧節冊由正門出於奉天門具本復命冊立之明日上恭詣宗廟捧德祖神主各廟捧主大臣捧列聖神主奉安畢上具常服率皇后貴妃各具禮服保母奉皇太子恭行告謝三獻如常儀畢上具常服詣母后謁謝皇后率貴妃各具禮服保母奉皇太子詣上前皇后貴妃俱代皇太子行八拜禮貴妃又代皇太子詣皇后前行八拜禮保母又代皇太子詣貴妃前行四拜禮上行告謝禮畢御奉天殿頒詔天下如常儀遣官齋捧御書禮物往各王府報知及詔諭朝鮮國是日文武百官上表行慶賀禮仍上表賀皇太后命婦入內賀皇后俱如常儀百官又以是日進箋賀皇太子鴻臚寺官預設案於文華門班首捧箋置於案行叩頭禮畢司禮監官捧進

又按嘉靖十八年冊立東宮賜親王一等銀三百兩紵絲十匹紗十匹羅十匹錦四段生熟絹三十匹高

麗布十匹白毯絲布十匹西洋布十匹二等銀二百兩紵絲八匹紗八匹羅八匹錦四段生熟絹十六匹高麗布六匹白毯絲布六匹西洋布六匹三等銀一百兩紵絲六匹羅六匹錦四段生熟絹十二匹高麗布六匹白毯絲布六匹西洋布六匹

又按嘉靖十八年時駕南巡定東宮監國之儀一東宮朝駕儀仗等件勅內府各該衙門先行造辦一請勅欽命輔臣一員居守京師保護皇儲一應軍國機務悉聽啓行

一在京文武衙門遇有內外軍機各王府緊要重大軍務悉奏請處分其有各處啓報聲息即調邊軍勦捕仍遣人馳赴行在所奏聞

一皇城四門京城九門比常皆增撥官軍守護畱守武職大臣同參贊尚書仍每日操閱軍馬各衙門稱奉令旨調遣官軍及處分事務所司須覆啓施行

一五府九卿各衙門凡有緊要軍事俱遵行在所奏聞其每月進繳精微監生考勦實鈔錠官軍俸糧及五府比試等項俱照常啓行

一祭祀凡遇忌辰陵祭各常典祭至期太常寺啓請取令旨遣官行禮郊廟社稷之祭候勅命行

一各處拜進表箋特賀大禮不係常典者原差入恭詣行在所投進其進賀中宮東宮箋文俱在京禮部類收司禮監官捧進

官知府俱行在吏部奏請擢用其大選選遞并取選遠方監生及考滿復職等項俱循例啓行

一各王府請給誥命勳臣襲爵歿後追封兩京堂上官贈諡公侯伯內外文職官員請給誥勅兩京三品以上官蔭子各處土官襲職俱行在吏部奏行其官吏人等丁憂查放起復官員付選查題散官等項俱照常啓行

一兵部推補兩京五府錦衣衛在外總兵參將各都司掌印僉書俱奏請擢用其大選軍職查黃績黃官舍襲替優給土官襲替及保用通事把事隨司辦事長官等項俱具啓裁度

一各處奏報邊功應該覈勘及勘明應該陞賞等項俱啓請行

一在外撫按官劾奏不職文武官文官方面以上武官參將以上奏聞待報

一京衛軍士冬夏布絹及邊衛軍士冬衣布花襖但係年例給賞等項錢糧該衙門啓請行

一在京各邊鎮遇有緊急調用馬匹啓請調取兌用

一在京各衙門赴行在奏事人俱兵部啓請給關應付

一各王府奏訴重情辯復爵位祿米者俱詣行在所奏聞其請名請封請婚等項在京具啓行

一天下歲貢生員到部者該部查照事例啓行
一四夷朝貢人員到京一應賞宴該部照例啓行
一法司問擬罪犯除重囚奏請待報其餘悉具啓決放勅諭審錄於疑罪囚例該覆題及京官軍職犯人例該參提俱奏請定奪

一刑名凡內外大小官員有犯具啓准問者問之若所犯情重該衙門具由奏請待報

一都察院點差各處巡按御史具奏行在餘差及考察公差回道御史俱啓行中間有推姦邀事賊盜不職者具奏

一通政司每日收過奏題本照常封進下科發抄各衙門啓行其有疑礙難行者差人赴行在取旨

一大理寺審錄罪囚詳擬罪名干係生殺并提問大小京官具奏其每月繳刑部都察院問過囚犯奏本照常啓行俱送科備照

穆宗隆慶元年贈長子翊鉞爲憲懷太子
按大政紀云云
按明外史憲懷太子傳穆宗四子第三子神宗憲懷太子翊鉞穆宗長子母慈聖太后生五歲薨贈裕世子隆慶元年追諡

隆慶二年三月立皇子翊鈞爲皇太子更定賜賚及受朝之制
按大政紀隆慶元年正月禮部請立皇太子上曰皇子尚幼且先賜名徐議冊立二年正月禮部尚書高儀等覆上疏請立東宮以宣德成弘治間冊皇子皆二齡六齡事例爲據上乃命擇日具儀以聞三月辛酉上御皇極殿傳立皇子爲太子

按明通紀隆慶元年正月禮部尚書高儀請冊立皇太子上諭皇子尚幼先冊名而後冊立二年正月張居正高儀等復請立東宮命擇日具儀以聞三月冊立皇太子無何太子遇閣臣於御道西名謂曰先生良苦翊贊閣臣頓首謝曰願殿下勤學答曰方讀三

字經既而曰先生且休矣磨音清粹步履幽閑舉朝稱慶以爲後日之太平天子也六年五月上不豫二十五日召閣臣高拱張居正高儀至乾清宮受顧命上倚坐御榻后及皇貴妃咸侍東宮立於左拱等跪於御榻下命宣顧命曰朕嗣祖宗大統六年偶得此疾遂不能起有負先帝付託東宮幼小朕今付之卿等宜協心輔佐遵守祖訓保固皇圖卿等功在社稷萬世不泯拱等咸痛哭叩首而出翌日上崩於乾清宮六月皇太子即皇帝位時年十齡

按明會典隆慶二年冊立東宮賜親王各銀三百兩紵絲八匹紗八匹羅八匹錦四段生熟絹十六匹高麗布六匹白氎絲布六匹西洋布六匹管理親王府事者與靖江王各銀一百兩紵絲六匹羅六匹錦四段生熟絹十二匹布同前

又按隆慶二年冊立皇太子詔於文華殿門東間設座受羣臣朝賀百官於文華門外列班
隆慶六年增定東宮講學儀
按明會典隆慶六年增定是日早侍衛侍儀如常儀內侍先設皇太子座於文華殿之東廂房正中西向設書案於座之左禮部鴻臚寺執事官候皇太子出閣導引至東廂房陞座提調輔臣并侍班講讀等官以次序立丹墀行四拜禮畢各官以次入東廂房分班相向立鴻臚寺官贊起案通事舍人以講案進內侍展書侍讀官進讀讀畢侍講官進講講畢通事舍人徹案命賜酒飯各官叩頭而退每日講讀儀與天順年所定同但每日各官先詣文華門外東西向序立候皇上御日講經筵畢皇太子出閣陞座又題准

東宮初諱之時閣臣連侍五日以後仍於每月三八日一至先行叩頭而出然後各官進入供事

神宗萬曆二十九年開立元子常洛爲皇太子

按明通紀萬曆十四年二月輔臣申時行等請冊立東宮疏曰竊惟國本係於元良主器莫若長子故漢臣有云早建太子所以尊宗廟重社稷也仰惟皇上受天眷命繼祖洪圖德澤浹於寰區嘉祥鍾於後嗣自萬曆十年元子誕生詔告天下五年於茲矣即今麟趾益斯方典未艾正名定分宜在於茲查得祖宗朝故事宣宗以宣德三年立英宗爲皇太子時年二歲憲宗以成化十一年立孝宗爲皇太子時年六歲孝宗以弘治五年立武宗爲皇太子尚未周歲也蓋冢嗣升儲所以明震器之重冲年貽哲所以端蒙養之功成憲具存昭然可考今元子聰明克類岐嶷夙成中外臣民屬心已久及茲磨齡漸長陽德方亨冊立禮儀允宜修舉伏望皇上祇率祖宗之舊典深惟國家之大計以今春月吉日勅下禮部早速建儲貳以慰億兆人之望以固千萬世之基至於出閣講學及朝賀等儀稍俟一二年後磨體充實次第上請伏惟聖明裁斷施行天下幸甚十五年閣臣申時行等恭請宸斷並舉建儲封王吉典疏曰昨年言事諸臣屢請建儲道路流傳妄有窺測臣等心竊非之以爲皇上親灑宸翰諭示臣等明旨昭然布告四方聖志何常不定而乃設不然之慮爲此紛紛以故逡巡待命踰年於茲矣及自新歲以來則臣等亦有不客已於言者蓋聞自古帝王或遇天象有警民生可虞則必深思遠圖多舉吉祥善事以慰悅羣情導迎和氣臣

等仰稽星象俯察輿情竊謂今日吉祥善事無如建儲闡封王爵以正綱常明典禮敷恩澤庶幾人心咸悅天意自孚而言者尚未之及也臣等請畢陳其說夫國家有大綱常若父子兄弟倫序一定而不可易者是已有大典禮若建儲封王彝章具在而不可廢者是已昔我太祖高皇帝三年四月之詔有曰朕聞帝王之子居嫡長者必正儲位其衆子當封以王爵分茅胙土大哉聖謨其爲綱常典禮計至精至備眞萬世聖子神孫所當遵守而不違者伏惟皇長子聰明岐嶷磨質非凡前此誕生之年即已詔告寰區奏聞郊廟今屆六齡矣天序既已默定人心又皆翕從此聖祖所謂宜正儲位者也又惟皇第三子祥徵良索序屬宗盟雖未及勝衣趨拜之年亦已有礪山帶河之重此聖祖所謂宜封三爵者也查得本朝故事成祖以永樂二年立仁宗爲皇太子即封趙王英宗以天順元年立憲宗爲皇太子即封德崇等王世宗嘉靖十八年東宮二王俱在幼冲亦同日受冊載在實錄歷歷可考臣等繕思列聖傳家世守之法仰體皇上愛子均一之情竊謂皇長子宜正位東宮皇第二子宜即分封大國一時並舉尤爲盛事詩曰文王孫子本支百世又曰穆穆皇皇宜君宜王蓋言成周之盛也今七轡有歸磐石有輔長幼之倫既正本支之傳益隆在祖宗列聖在天之靈豈不燕喜且使內而六宮外而百官遠而四海九州六軍萬姓無不歡欣踴躍其以慰安人心幹旋天意豈曰小補而已臣等職在輔弼國家休戚同之故敢不避煩瀆輒效其愚伏望皇上俯察通言蚤定大計將冊立冊封吉典

及時舉行不勝幸甚十八年正月朔日上在毓德宮召閣臣申時行許國王錫爵王家屏四臣於西室御榻東向時行等西向跪致詞云元旦新春仰惟皇上萬壽萬福臣等不勝欣賀時行等又云冊立東宮係宗社大計伏望皇上早賜裁定上曰朕知之朕無嫡子長幼自有定序鄭妃亦再三陳請恐外間有疑但長子猶弱欲俟其壯健使出纔放心時行等又云皇長子年已九齡蒙養豫教正在今日宜令出閣讀書上曰朕已知之先生每回閣去罷各賜酒飯一棹燒割一分時行等叩頭謝遂出行去宮門數十丈許上復令司禮內臣追止之云且少候丁巳令人宣長哥來著先生每一見時行等復還至宮門內立待良久上令內臣覘視申閣老等聞召長哥亦喜否時行等語內臣云我等得見睿容便如觀景星慶雲眞是不勝之喜內臣入奏上微哂頷之久之司禮內監傳言皇長子至矣皇三子亦至但不能離乳保遂復引入西室至御榻前則皇長子在榻右上手攜之皇三子傍立一乳母擁其後時行等既見因賀云皇長子龍姿鳳目岐嶷非凡仰見皇上昌後之仁齊天之福上欣然曰此祖宗德澤聖母恩庇朕何敢當時行等奏皇長子春秋漸長正當讀書進學上曰已令內侍授書誦讀矣時行云皇上正位東宮時方六齡即已讀書皇長子讀書已晚矣上曰朕五歲即能讀書復指皇三子是兒亦五歲尚不能離乳母且數病時行等稍前熟視皇長子上手引皇長子向明正立時行等注視良久因奏云皇上有此美玉何不早加琢磨使之成器願皇上早定大計宗社幸甚九月詔停刑閣

臣合疏請止開礦十月兩京九卿科道合辭懇請冊立東宮皇貴妃親弟鄭國泰特疏敦請聖諭云朕昨覽卿等所奏揭帖固是但皇子體脆質弱再少俟時日朕自有旨其於長幼之序豈有搖動便於明年冬傳旨冊立如再瀆擾直待十五歲冊立欽此十一月兵部題請邊務久廢開視當嚴九邊宜各差科臣一員上自八月以來久未視朝羣臣請於十九日恭遇聖母萬壽之辰幸出臨受賀二十一年正月閣臣王錫爵護瀝密誠請立東宮疏奉聖諭朕雖去歲有旨今春行冊立之典昨讀皇明祖訓內一條立嫡不立庶之訓況今皇后年齒尚少倘後有出冊東宮乎封王乎欲封王是背違祖訓欲立東宮是二東宮也故朕遲疑未決既卿奏來朕今欲將三皇子俱暫一併封王少待數年皇后無出再行冊立庶上不背違祖訓下於事體兩便卿可與朕作一論旨來行光祿寺寺丞朱維京刑科給事中王如堅各疏請冊立上怒甚革職謫戍閣臣王錫爵特疏懇救有旨免戍二月閣臣請會議冊典不允復請面陳閣儲事體不報閣臣王錫爵請定冊典以信初詔十二月閣臣王錫爵等請皇長子先行冠禮疏奉聖諭朕意亦應皇長子出閣未行冠禮朕查大明典禮東宮與王袞冕皮弁二服冠則皆同其服則異今欲行冠禮儀從何行朕意欲暫著常服出講待冊立後再行加冠禮未遲欽此二十九年冬冊立元子為皇太子時冠婚並舉翰林院檢討沈淮撰元良頌冊封福王瑞王惠王桂王恭上聖母慈聖宣文明肅貞壽端獻皇太后徽號羣臣奉表稱賀存問在籍閣臣申時行劾曰卿等贊襄

密勿輔朕有年前屢有疏揭勸朕冊立朕志已定待期舉行但因貴直沽名之輩屢來激詬故從延緩知卿等忠言至計尚鬱於懷今元子氣體充盈學業精進已冊立皇太子冠婚並舉暨諸子封為福王瑞王惠王桂王率文武百官奉冊賀加上聖母尊號曰慈聖宣文明肅貞壽端獻皇太后國本已定慶溢宮庭念卿等家居係心良切茲遣官齎勅存問仍令該布政司官辦備羊酒花銀五十兩綵段四表裏一同持送以示優眷卿其加餐自愛特諭知之三十年三月在籍閣臣王錫爵謝存問疏曰茲者伏遇皇上以冊立冊封禮成加上聖母徽號因降勅諭遣刑部員外王玠齋至臣籍存問恩賜寵渥臣謹望闕恭謝外伏念往年儲宮議起雖嘗從同官反覆疏揭不過即皇上長幼定序一語大第數陳臣等原無更端自出之見可市為名者既蒙屢旨渙頒吉期可待臣等又原無有餘不盡之忠鬱而未伸者今日之舉如天之清如日之明又如震雷一發而萬疑萬謗渙然冰釋以臣之愚越在草野但有傾耳下風伏膺明信已耳其他尚何容贊一詞獻一曝而以勤九重萬里遺簪棄履之恩金莖玉露之賜乎伏惟天地之恩非草木可酬腹心之感非披瀝能盡臣之所願皇上弘錫孝類大庇恩覃推不遺舊臣之心因并推舊臣感恩圖報之心凡事為狂愚激詬有所欲行欲罷而未果者一切示人以日月之明四時之信則臣區區私祝之忱也四十八年七月聖諭內閣朕嗣祖宗大統歷今四十八年久因國事焦勞以致脾疾遽不能起有負先帝付託惟皇太子青宮有年實賴卿與司禮監協心

輔佐遵守祖宗保固皇圖卿功在社稷萬世不泯二十一日酉時上崩遺詔曰朕以冲齡繼承大統君臨海內四十八載於茲享國最長夫復何憾念朕嗣服之初兢兢化理期無負先帝付託比緣多病靜攝有年郊廟弗躬朝講稀御封章多滯條案半空以礦稅繁興征調四出民生日促邊釁漸開夙夜思維不勝追悔方圖改轍嘉與天下維新而遽疾彌留不復可起蓋愈補過尤賴後人皇太子聰明仁孝睿智風成宜嗣皇帝位且宜修身勤政親賢納諫以永弘圖皇長孫宜及時冊立進學瑞王惠王桂王各擇善地令早就藩封大小臣工各協恭和衷輔理嗣君保乂王室是皆朕倦倦之至意也內閣輔臣為簡任貳卿大寮盡行推補兩咨考選并散館科道官俱令授職建言廢棄及礦稅詿誤諸臣酌量起用一切權稅并新增織造燒造等項悉皆停止各衙門見監人犯俱送法司查審應釋放者釋放東師缺餉宜多發內帑以助軍需陣亡將士速加恤錄喪禮遵舊制以日易月二十七日釋服母禁民間音樂嫁娶宗室親王藩屏為重母得輒離本國各處總督鎮邊三司官地方攸係不許擅去職守聞喪之日止於本處哭臨三日進香差官代行衛所府縣并王官俱免進香詔告天下下威使聞知八月丙午朔帝登極詔告天下懷宗崇禎三年立皇長子慈煥為皇太子按春明夢餘錄崇禎二年二月初四日皇長子生詔曰朕惟帝王膺天曆而奉宗祧首重元儲九隆世嫡朕以眇躬嗣位丕基夙夜祇念我皇祖皇考集慶發祥源深緒遠佇昌嗣續仰慰茲荷上帝居歆宗祏垂

佑以今年二月初四日第一子生係皇后周氏出中
開開家嗣之先萬國恆元夏之祝肆頒渥澤單被多
方三年二月初十日開立東宮詔曰朕惟自古帝王
嗣大層服長治久安莫不首重建儲所以定宗祧隆
國本凝天眷而繫人心也我祖宗列聖相承德祚綿
治率由茲道以裕貽謀朕祗紹丕基就懷付託乃荷
皇穹眷祐後嗣蕃開長子慈煥睿託坤元祥鍾震一
中外起敬承之頌天人表協應之符昨日文武臣民
疏請再三舉行開禮而朕以子方穉祿謙讓未遑茲
屆青陽載仲之辰正值蒼輿誕彌之月禮官復申前
請衆志誠難固違爰考舊章式諏吉日祇告於天地
宗廟社稷授冊寶立慈煥爲皇太子以仰承累葉無
疆之緒俯慰兆人胥戴之情大典告成環域同慶
按明外史太子慈煥傳慈煥烈帝第一子母周皇后
崇禎二年二月生帝頒詔肆赦九月立爲皇太子
十年羣臣屢請出閣帝定期來歲二月預擇東宮侍
班講讀等官命禮部尚書姜逢元詹事姚明恭少詹
王鐸屈可伸侍班禮部侍郎方逢年諭德項暉修撰
劉理順編修吳偉業楊廷麟林增志講讀編修胡守
恆楊士聰校書十一年二月皇太子出閣十五年正
月東宮開講內閣諸臣條上講儀是年六月帝因枚
卜閣臣疑吏部尚書李日宣有私御中左門召對諸
大臣帝衣青袍皇太子定王末王皆衣紅侍案前良
久乃退七月改慈慶宮爲皇太子端本宮慈慶懿安
皇后所居也時太子年十四議明歲選婚故先爲置
宮而移懿安后於仁壽殿十六年七月帝御中左門
親鞠吳昌時太子及定王復侍側良久李自成破京

師後太子不知所終福王時有自北來稱太子者朝
臣皆以爲王之明者僞爲之繫諸獄中南都士民譁
然不平史可法袁繼威及劉良佐黃得功輩皆上疏
力爭左良玉以救太子爲名至起兵犯關其眞僞卒
莫能明也

皇清
康熙十四年
大清會典康熙十四年冊立
皇太子禮前一日遣官各一員告祭
天地
太廟
社稷
皇上親詣
奉先殿致祭又遣官一員詣
仁孝皇后神位前致祭禮部鴻臚寺官設節案一於
太和殿內正中設冊案一於左旁設寶案一於右
旁設冊寶絲亭二於
丹陛下設節案一香案一於
皇太子殿門正中設冊案一寶案一於殿門左旁
是日早
皇上南簿大駕樂器陳設於
太和殿前
太皇太后

皇太后儀仗樂器陳設於各宮門前王以下文武各官
俱朝服於常朝處齊集內閣禮部堂官將節冊
寶自內閣捧出由御道左旁行置
太和殿內各案上鴻臚寺官引諸王各官至
太和殿前王貝勒貝子公等於
丹陛上文武各官於丹墀下排立禮部堂官奏請
皇上陞殿
上具禮服出宮陞
太和殿閣冊寶畢作樂陞座樂止饗儀衛官贊鳴
鞭塔下三鳴鞭鴻臚寺官引正副使官於常朝
行禮處排立贊禮官贊行三跪九叩頭禮作樂
禮畢樂止禮部堂官鴻臚寺官引正副使官至
殿前
丹陛上立贊禮官贊有
制正副使官跪宣讀官宣
制曰某年月日冊立嫡子某爲皇太子命卿等持
節行禮宣畢大學士於案上捧節授正使官正
使官受節前行禮部官舉冊寶案出鴻臚寺官
引王等入殿內坐
賜茶畢還宮正使官執節在前禮部官捧冊寶隨後
置丹陛下絲亭內正使官捧節授禮部官禮部
官一員執節前引校尉舉亭列御仗二對黃蓋
一柄在前至
皇太子殿即
景仁宮置絲亭於殿門外正副使官捧節冊寶置
黃案上禮部奏進儀注保姆奉
皇太子在殿門內向節跪迎贊禮官贊正副使官

皇太后儀仗樂器陳設於各宮門前王以下文武各官
俱朝服於常朝處齊集內閣禮部堂官將節冊
寶自內閣捧出由御道左旁行置
太和殿內各案上鴻臚寺官引諸王各官至
太和殿前王貝勒貝子公等於
丹陛上文武各官於丹墀下排立禮部堂官奏請
皇上陞殿
上具禮服出宮陞
太和殿閣冊寶畢作樂陞座樂止饗儀衛官贊鳴
鞭塔下三鳴鞭鴻臚寺官引正副使官於常朝
行禮處排立贊禮官贊行三跪九叩頭禮作樂
禮畢樂止禮部堂官鴻臚寺官引正副使官至
殿前
丹陛上立贊禮官贊有
制正副使官跪宣讀官宣
制曰某年月日冊立嫡子某爲皇太子命卿等持
節行禮宣畢大學士於案上捧節授正使官正
使官受節前行禮部官舉冊寶案出鴻臚寺官
引王等入殿內坐
賜茶畢還宮正使官執節在前禮部官捧冊寶隨後
置丹陛下絲亭內正使官捧節授禮部官禮部
官一員執節前引校尉舉亭列御仗二對黃蓋
一柄在前至
皇太子殿即
景仁宮置絲亭於殿門外正副使官捧節冊寶置
黃案上禮部奏進儀注保姆奉
皇太子在殿門內向節跪迎贊禮官贊正副使官

皇太后儀仗樂器陳設於各宮門前王以下文武各官
俱朝服於常朝處齊集內閣禮部堂官將節冊
寶自內閣捧出由御道左旁行置
太和殿內各案上鴻臚寺官引諸王各官至
太和殿前王貝勒貝子公等於
丹陛上文武各官於丹墀下排立禮部堂官奏請
皇上陞殿
上具禮服出宮陞
太和殿閣冊寶畢作樂陞座樂止饗儀衛官贊鳴
鞭塔下三鳴鞭鴻臚寺官引正副使官於常朝
行禮處排立贊禮官贊行三跪九叩頭禮作樂
禮畢樂止禮部堂官鴻臚寺官引正副使官至
殿前
丹陛上立贊禮官贊有
制正副使官跪宣讀官宣
制曰某年月日冊立嫡子某爲皇太子命卿等持
節行禮宣畢大學士於案上捧節授正使官正
使官受節前行禮部官舉冊寶案出鴻臚寺官
引王等入殿內坐
賜茶畢還宮正使官執節在前禮部官捧冊寶隨後
置丹陛下絲亭內正使官捧節授禮部官禮部
官一員執節前引校尉舉亭列御仗二對黃蓋
一柄在前至
皇太子殿即
景仁宮置絲亭於殿門外正副使官捧節冊寶置
黃案上禮部奏進儀注保姆奉
皇太子在殿門內向節跪迎贊禮官贊正副使官

皇太后儀仗樂器陳設於各宮門前王以下文武各官
俱朝服於常朝處齊集內閣禮部堂官將節冊
寶自內閣捧出由御道左旁行置
太和殿內各案上鴻臚寺官引諸王各官至
太和殿前王貝勒貝子公等於
丹陛上文武各官於丹墀下排立禮部堂官奏請
皇上陞殿
上具禮服出宮陞
太和殿閣冊寶畢作樂陞座樂止饗儀衛官贊鳴
鞭塔下三鳴鞭鴻臚寺官引正副使官於常朝
行禮處排立贊禮官贊行三跪九叩頭禮作樂
禮畢樂止禮部堂官鴻臚寺官引正副使官至
殿前
丹陛上立贊禮官贊有
制正副使官跪宣讀官宣
制曰某年月日冊立嫡子某爲皇太子命卿等持
節行禮宣畢大學士於案上捧節授正使官正
使官受節前行禮部官舉冊寶案出鴻臚寺官
引王等入殿內坐
賜茶畢還宮正使官執節在前禮部官捧冊寶隨後
置丹陛下絲亭內正使官捧節授禮部官禮部
官一員執節前引校尉舉亭列御仗二對黃蓋
一柄在前至
皇太子殿即
景仁宮置絲亭於殿門外正副使官捧節冊寶置
黃案上禮部奏進儀注保姆奉
皇太子在殿門內向節跪迎贊禮官贊正副使官

於案上捧起冊寶授

皇太子行三跪九叩頭禮保姆奉

皇太子隨冊寶後行回殿奉

旨皇太子尚幼其禮俱停內監捧舉進內正副使官

持節復

命王以下內大臣侍衛都統大學士尚書精奇尼

哈番以上俱赴

隆宗門外齊集禮部堂官奏請

皇上詣

本皇太后

皇太后宮行禮

皇上具禮服陞輿由

隆宗門出王以下內大臣侍衛等官皆隨行至

慈寧宮門

皇上升輿立門內丹陛東禮部堂官傳諭內監奏請

本皇太后陞

慈寧宮座

本皇太后御宮樂作陞座樂止

皇上在宮前丹陛上王以下公以上在門內丹陛上

大臣侍衛等在門外丹墀內二等三等侍衛在

永康左門外排列鳴贊官照常處立贊行三跪九

叩頭禮樂作禮畢樂止

皇上復原位立禮部堂官傳諭內監奏請

本皇太后還宮樂作入宮樂止

皇上出詣

壽昌宮於

皇太后前行禮與

本皇太后宮中禮同禮畢

皇上還宮是日公主王妃以下大臣命婦於

兩宮前免行慶賀禮次日

皇上陞

太和殿諸王文武各官進表行慶賀禮頒

詔天下如常儀

皇太子冠服

康熙十四年題准冠用東珠十三顆鑲頂禮服

用秋香等色五爪三爪龍段滿翠八團龍等段

俱隨時酌用束金鑲玉版嵌東珠帶

東宮儀仗

畫角十二枝木質空心長五尺四寸六分徑三

寸六分上下貼金銅口箍間纏貼金藤籬五黑

漆地畫金雲龍海馬四季花

花匡鼓二十四面以木為匡高五寸七分徑一

尺五寸五分冒以革釘貼金銅釘銅環面匡俱

殊紅油飾畫五彩雲龍秋香色絨緋殊紅攢竹

架紅段鼓衣綠段氍毹水鑽金雲龍

大銅號二枝筒長一尺七寸五分座高一尺三

寸口徑六寸三分繫紅線綠總

小銅號二枝筒長二尺三寸五分座高一尺九

寸五分口徑四寸二分繫紅黃線綠總

金二面以銅為之徑一尺八寸

金鉦二面銅質木匡殊漆上下釘貼金銅環以

秋香色絨緋繫鉦於匡鉦徑九寸五分

杖鼓二面鏡木為匡冒以革面徑一尺匡高一

尺六寸五分細腰黑漆地描金寶相花面畫五

彩葉花鐵圈銅鉤絆以絨緋紅段鼓衣綠段氍

毹水鑽金雲龍

板二串鐵梨木板各六長一尺一寸三分厚五

分上闊二寸下闊二寸五分面畫五彩雲龍綠

皮掩錢青線綠總

龍頭笛二枝截竹為之六竅長一尺七寸繫五

色線流蘇

金黃曲柄傘一把傘骨鐵竹相間三十二根頂

徑五尺冒以金黃段垂三簷頂繡八吉祥繡

九龍緞金鈴四十八風衣二件帶二條繡雲龍

花草殊紅攢竹柄長一丈五寸間纏以藤柄曲

處用鐵心貼金龍頭承傘

紅曲柄傘二把制同金黃傘

青直柄傘二把制同曲柄傘

黑直柄傘二把制同青傘

紅瑞草傘二把冒以紅段頂銷番草簷銷瑞草

餘制同曲柄傘

紅素方傘二把頂方五尺冒以紅段垂三簷四

角龍頭四各繫綵線流蘇餘制同圓傘

青素方傘二把制同紅方傘

青雙龍扇二把高二尺三寸闊二尺四寸面背

皆藍段面繡雙龍背銷金團龍白段繡雉尾邊

殊紅攢竹柄長一丈九寸

紅雙龍扇二把制同青雙龍扇

青孔雀扇四把二把面背皆用藍段面繡孔雀

背銷金團龍殊紅攢竹柄二把面用藍段繡孔雀背用青段銷金火焰黑漆攢竹柄餘制同雙

龍扇

紅孔雀扇四把二把面背皆用紅段面繡孔雀背銷金團龍二把面用紅段繡孔雀背用青段銷金火焰餘制同雙龍扇

白澤旗二面紅段質長四尺五寸闊七尺五寸

銷金白澤形書漢滿白澤字紅油薰竹竿

金節一對殊漆攢竹竿長一丈九寸下釘鐵箍

上安貼金銅鵝項攜銅索天盤下垂紅線圓繡

間掛紅纓毬八箇各單綠皮帽四角綴貼金銅

鈴外用秋香色素紗繡五色雲龍為衣龍之長

八尺闊二尺六寸

羽葆幢一對殊漆攢竹竿長一丈一尺一寸下

釘鐵箍上安貼金銅鵝項攜銅索天盤懸五色

羅寶蓋二簷渥水銷金雲龍下垂紅線圓繡間

掛紅纓毬五箇各單銅鈹花襯綠皮帽六角綴

貼金銅鈴

傳教幡一對殊漆攢竹竿長一丈九寸下釘鐵

箍上安貼金銅鵝項攜銅索天盤下垂紅羅幡

銷金雲龍綴荷葉牌上繡傳教二字

告止幡一對繡告止二字

信幡一對繡信字餘制俱同傳教幡

絳引幡一對五色羅為幡無字餘制亦同傳教

旗

儀鎧一對殊紅攢竹竿長九尺下釘鐵箍上

安貼金雕木龍頭口銜竹節中穿橘花餅貼金

旗頭懸五色羅纓長六尺五寸闊六寸五分下

綴銅鈴五

黃龍一對素段質闊七尺五寸長五尺銷金

雲龍文紅油薰竹竿長一丈五尺一寸五分間

繡以藤下釘鐵箍上安貼金銅頂飾以紅纓

赤龍一對

白龍一對

青龍一對

黑龍一對制俱同黃龍

豹尾鎗五對殊漆攢竹竿描三色金龍下有鐵

攢共長九尺八寸五分鎗頭純鋼為之長六寸

五分飾以紅纓下懸豹尾

弓矢十副

大刀十把

馬八匹紅轡黃韁上施錦鞵

立瓜二對殊紅攢竹柄長六尺二寸貼金銅箍

刻木為瓜立置於上承以龍頭瓜及龍頭長一

尺六寸五分俱灑粉貼金共長七尺八寸五分

臥瓜二對刻木為瓜臥置其上柄長六尺餘制

同立瓜

金鉞二對殊紅攢竹柄貼金銅箍刻木為斧形

承以龍頭置於竿首上出木鎗頭俱貼金飾共

長七尺九寸

骨朵二對殊紅攢竹柄貼金銅箍刻木為骨朵

承以龍頭貼金飾共長七尺八寸

吾杖二對殊紅攢竹為之長七尺兩末貼金銅

箍灑粉貼金花雲二段

黃龍小旗一對殊紅攢竹竿長九尺四寸畫三

色金龍下釘鐵箍上安鍍金鎗頭金黃油木鎗

帽畫五彩雲龍飾以紅纓竿懸雲龍旗每面長

三尺三寸闊二尺五寸

赤龍小旗一對

白龍小旗一對

青龍小旗一對

黑龍小旗一對制俱同黃龍小旗

拂子一對用紅馬尾為之泥金樺木柄長二尺

二寸兩末釘鍍金龍頭尾

金爐一對以殊紅漆竿舉之兩末雕貼金龍頭

尾竿首釘鍍金鈎

金瓶一對

金香盒一對

金唾壺一箇

金盆一面已上俱赤金質鍍盤龍雲珠火焰蓮

瓣花草嵌珊瑚青金松子等石

馬机一座高一尺四寸五分方一尺八寸五分

面厚一寸三分木質殊漆彩畫金雲龍鈹花文

金葉裝釘

金交椅一把面闊二尺一寸八分進深一尺後

高三尺五寸前高一尺六寸八分木質掃金罩

漆鍍雲龍金葉裝釘穿以秋香色線圓繡四垂

秋香色線流蘇秋香色金綺搭襠

金腳踏一箇闊一尺七寸五分深九寸高四寸

綺踏褥

金格一乘高一丈二尺二寸九分闊八尺九寸

輅上平盤板前後車檔并馬翅及四垂如意滴